

Leve Plattdüütsken,

Corona is ja en Thema, dat in disse Dagen all Minsken wat angeiht, un waar all sük düchtig mit befatet mutten.

Wi hebben för Jo up Platt all dat tosamenfaat un oversett, waar dat upstünds besünners up ankummt.



Hannen regelmatig un up 't Nauste wasken. Dat sall sowat 20 bit 30 Sekunnen düren. Daarbi mutten Ji ok up de Steden tüsken de Fingers achten.



Ok wenn Jo Hannen fein sauber sünd, sallen Ji Jo neet in d' Gesicht rumfummeln.



Heel belangriek is, dat Ji sowat annertalv, beter twee Meter van annern wegblieven, t. B. bi 't Inkopen. Ok wenn wi Oostfresen geern gesellig sünd, is nu neet de rechte Tied, sük mit Frünnen to treffen.



Wenn Ji pruusten of hoosten mutten, sölen Ji Jo Arm of en Taskendook vör dat Gesicht hollen.

Disse mall Tied is för uns all neet einfach, man wenn wi tosamenhollen un elkeen sük in de token twee Week wat tosamenrieten deit, sölen wi dat woll schieren. Un as Ji weten ... mooi in Huus blieven.

Un: Tosamenhollen dör Ofstandhollen!